

REPUBLIKË
MINISTRI
DREJTOR



ECONOMY AND BUDGET

DHJETOR - DECEMBER
2005

TIRANE

Raporti Mujor

Dhjetor 2005


Personi i kontaktit: Luiza JANO
Telefon: ++355 4 258437
E-mail: macro.director@minfin.gov.al
www.minfin.gov.al

PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Krediti i brendshëm	
l. Oferta e parasë	
m. Depozitat sipas burimeve	


1. VECORITE KRYESORE :

- ❖ **Indeksi i çmimeve të konsumit** në muajin Dhjetor 2005, arriti në 109.5 përqind, duke shënuar një rritje mujore prej 2.2 përqind, pas rritjes prej 0.2 dhe 0.4 përqind, përkatësisht në muajt nëntor dhe tetor. Norma vjetore e inflacionit, për muajin Dhjetor ishte 2.0 përqind, duke qëndruar brenda objektivit të Bankesë së Shqipërisë, prej 2 – 4 përqind.



- ❖ **Kursi mesatar i këmbimit** të monedhës vendase me dy monedhat kryesore të huaja, për muajin Dhjetor 2005, ishte:

- 103.33 leke për dollarë
- 122.54 leke për euro




Në muajin Dhjetor, monedha vendase, rezultoi me një mbicim të lehtë kundrejt monedhës europiane, Euros dhe kundrejt dollarit amerikan. Sjellja e monedhës sonë në tregun vendas është reflektimi i sjelljes së dy monedhave në tregjet ndërkombëtare

monetare si dhe i nderhyrjeve ne treg nga ana e Bankes se Shqiperise per te ruajtur nje kurs te qendrueshem.

- ❖ Gjate muajit Tetor 2005, **normat e interesit te depozitave** 12-mujore ne leke, (ne ndryshim nga tendenca e muajve parardhes deri ne qershor), kane pesuar nje rritje ne vlere absolute prej 0.04 perqind krahasuar me muajin Shtator, te cilat jane ndikuar dhe nga niveli i qendrueshme i likuiditetit si dhe nga rritja e interesave nominal.

Rritje te lehte edhe per kete muaj kane pesuar edhe depozitat me afat 6-mujor, te krahasuara me nje muaj me pare (Shtator '05) me 0.19 perqind dhe normat me afat 3-mujor me 0.24 perqind. Renie te lehte prej 0.05 perqind kane pesuar normat per depozitat me afat 24-mujor.

Krahasuar me te njejten periudhe te nje vti me pare, renien me te larte vjetore e kane patur normat e interesit te depozitave 12-mujore dhe 6-mujore, respektivisht me rreth 0.81 perqind dhe 0.88 perqind,.




Depozitat ne valute (euro dhe usd) kane pasur tendenca rritje per muajin Tetor per te gjitha afatet. Perjashtim ketu bejne depozitat me 1 dhe 3 mujor ne euro. Rritja e normave te interesit ne valute eshte influencuar kryesisht nga faktore te jashtem (sic jane politikat e shterguara monetare te ndermara nga Fed dhe ECB) si dhe nga faktore te brendshem sic eshte rritja e konkuresces ne sitemin bankare vendas.

❖ Situata buxhetore

Ne fund te muajit Dhjetor 2005, situata buxhetore, paraqitet si vijon:

1. **Deficiti i pergjithshem** buxhetor arriti ne rreth 27.8 miliarde leke, ose rreth 66.05 perqind e deficitit buxhetor per vitin 2005.
2. **Te ardhurat gjithsej** arriten ne rreth 200.98 miliarde leke ose rreth 97.32 perqind e programit vjetor 2005.
3. **Shpenzimet buxhetore** arriten ne rreth 228.82 miliarde leke, ose rreth 92.02 perqind e totalit te shpenzimeve buxhetore te planifikuara per gjithe vitin 2005.



❖ **Deficiti i pergjithshem** arriti ne 27,844 milione leke nga 42,157 milione leke te parashikuar per kete periudhe 12-mujore, duke perballuar ne kete menyre kryerjen e shpenzimeve ne kohen e duhur.

❖ **Të ardhurat gjithsej** arritën në rreth 97.32 përqind të parashikimit vjetor. Ato përfshijnë:

- Mbledhjet e te ardhurave tatimore nga administrata e tatimeve dhe doganave në 100.28 përqind të programimit vjetor;
- Kontributet për sigurimet shoqërore prej 98.70 përqind;
- Të ardhurat jo-tatimore 81.72 përqind e buxhetit vjetor; dhe
- Të ardhurat nga pushteti lokal, 116.07 përqind e planifikimit vjetor

Megjithëse shpenzimet totale ishin rreth 92.02 përqind e buxhetit vjetor, **shpenzimet korrente** arriten ne rreth 193,977 milione lekë ose rreth 100.58 përqind e programimit vjetor, si rezultat i shpenzimeve per sigurimet sociale me rreth 101.27 përqind e buxhetit vjetor, i shpenzimeve të larta operative, dhe te mirembajtjes me rreth 111.60 perqind e

buxhetit vjetor, te shpenzimeve per subvensione me rreth 133.57 perqind te buxhetit vjetor, etj.

❖ **Bilanci i pagesave**

Bilanci i pagesave per tremujorin e trete 2005, rezultoi me nje suficit te pergjithshem prej 41.4 milion dollare. Kjo ishte rezultat i nje:

- defiqiti te Llogarise Korente, prej rreth 82.3 milion dollare;
- suficiti te Llogarise se Kapitalit, prej rreth 30.7 milion dollare;
- suficiti te Llogarise Financiare, prej rreth 12.9 milion dollare;
- bilanci pozitiv ne “Gabime dhe harresa neto” prej rreth 80.0 milion dollare.

Komponentet kyc te defiqtit te **Llogarise Korente** prej 82.3 milion \$ ishin nje:

- bilanc tregtar negativ prej 466.6 milion dollare;
- defiqit prej 54 milion dollare ne bilancin e sherbimeve;
- suficit prej 53.1 milion dollare ne bilancin e te ardhurave;
- suficit prej 385.2 milion dollare ne transfertat/ te ardhurat nga emigrantet.

Në baze kumulative, bilanci i pagesave te 9 mujorit 2005, rezultoi me suficit të pergjithshëm, prej 56.2 milionë dollare.

Komponentët kyç ishin:

- defiqiti prej 281.2 milionë dollare, në llogarinë korrente,
- suficiti prej 95.4 milionë dollare ne llogarine kapitale,
- suficiti prej 212.5 milionë dollare në llogarinë financiare,
- bilanc pozitiv i gabimeve dhe harresave neto prej 29.5 milionë dollare.

- ❖ **Oferta totale e parase**, e matur nga M3 arriti në 567.4 miliardë lekë në fund të muajit Tetor, duke shënuar një rritje prje 16 përqind krahasuar me të njëjten periudhë të një viti më parë.

Kjo rritje vjetore, erdhi si pasojë e rritjes së **depozitave pa afat** në lekë me rreth 191 përqind, depozitave në valute me rreth 33 përqind, uljes së depozitave me afat në lekë me rreth 10 përqind dhe rritjes të parase jashtë sistemit me rreth 10 përqind.

Ndikimin kryesor në rritjen e ofertes monetare gjatë muajit Tetor e kanë patur rritja e mkane

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit, per muajin Dhjetor pesoi nje rritje prej 2.2 perqind, krahasuar me muajt Nentor dhe Tetor 2005, kur ky indeks ishte perkatesisht 0.2 perqind dhe 0.4 perqind. Ndryshimet respektive ne te njejtet muaj te nje viti me pare ishin 3.1 perqind, 0.5 perqind dhe 0.2 perqind.

Rritja prej 2.2 perqind e indeksit te çmimeve te konsumit per muajin Dhjetor erdhi kryesisht si rezultat i rritjes se indeksit te cmimeve te grupit “Ushqime dhe pije jo alkolike” me 5.3 perqind. Rritjen me te madhe brenda ketij grupi e shenuan nengrupet “zarzavate perfshi patatet” dhe “fruta”, respektivisht me 24.7 perqind dhe 19.4 perqind. Kjo rritje erdhi si rezultat i festave te fundvitit, ku dhe oferta per keto produkte ishte me e larte.

Rritje per kete muaj pesoi edhe indeksi i cmimeve te grupit “Hotele, kafene dhe restorant” me 0.4 perqind, rritje e cila erdhi si rezultat i rritjes se kerkeses per sherbimet e ofruara nga ky grup dhe qe perkon edhe me festat e fundvitit.

Rritje rezultoi edhe ne grupin “Transporti” me 0.3 perqind, ku mund te permendim rritjen e cmimit te biletave te transportit detar me 8.8 perqind dhe cmimit te transportit ajror me 5.2 perqind. nengrupet “Sherbime mjeksore, paramjeksore dhe dentale” me 1.7 perqind dhe “Sherbime spitalore” me 0.8 perqind.

Uljen me te madhe gjate ketij muaji e pesoi grupi “Mobilim, pajisje shtepie dhe mirembajtja e shtepise” me – 0.3 perqind.

Norma vjetore e inflacionit ne muajin Dhjetor arriti ne 2.0 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2004 dhe 2005 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
2005	3.3	1.8	1.6	1.3	2.0	2.9	1.8	2.3	3.1	3.3	3.0	2.0
2004	3.3	4.4	4.0	3.2	2.6	2.9	3.1	2.7	2.0	2.0	2.2	2.2

Kursi mesatar i këmbimit


Kursi mesatar i këmbimit të lekut me dollarin amerikan, në ndryshim nga një muaj më parë, për këtë muaj shënoi një rënie prej 0.7 përqind kundrejt muajit Nëntor 2005. Në fund të muajit Dhjetor, dollari amerikan arriti nivelin 103.58 leke/dollare.

Kursi mesatar i këmbimit të dollarit në muajin Dhjetor arriti në 103.33 leke/dollare.

Kursi mesatar i këmbimit të lekut me Euron në muajin Dhjetor, arriti në 122.54 Leke/Euro, duke shënuar një rënie të lehtë prej 0.07 përqind krahasuar me një muaj më parë. Në fund të muajit Dhjetor Euro u këmbye me 122.58 leke.

Gjatë këtij muaji u konstatua një mbicim i lehtë i lekut kundrejt Euros dhe kundrejt Dollarit amerikan.


Në krahasim me muajin Dhjetor të vitit të kaluar rezultoi se monedha shqiptare është zhvlerësuar ndaj dollarit amerikan në masën 9.5 përqind dhe është vlerësuar kundrejt monedhës europiane, Euro me 3.2 përqind.



Vlerësimi i monedhës shqiptare Lekut, kundrejt monedhës europiane Euro dhe zhvlerësimi kundrejt monedhës amerikane, në rradhë të parë është i lidhur me ecurinë e tyre në tregjet monetare ndërkombëtare, duke reflektuar sjelljen e tyre në tregun e brendshëm monetar. Kursi i këmbimit të euros me dollarin amerikan pësoi një rritje mesatare duke arritur në rreth 1.186 dollare/euro.

Ndërsa pjesa që përket faktorëve të brendshëm në ecurinë e monedhës vendase gjatë kësaj periudhe mund të përmendim: flukset hyrëse të valutës së huaj, uljen prodhimeve bujqësore vendase si dhe politiken e ndjekur nga bankat për ndryshimin e interesave të depozitave në valute të huaja.

Interesi i huave 12-mujore edhe gjate muajit tetor pesoi nje renie prej 0.29 perqind, duke arritur ne 12.62 perqind nga 12.91 perqind qe ishte ne muajin shtator. Rritje per kete muaj pesoi norma per interesin e huave 6-mujore me 0.84 perqind, krahasuar me nje muaj me pare. Interesi i huave 6-mujore per muajin tetor arriti ne 13.38 perqind.



Normat e interesit te Bonove te Thesarit gjate muajit tetor 2005, per bonot me maturim 12 mujor, 6 mujor dhe 3 mujor, ishin perkatesisht, 7.99 perqind, 7.89 perqind dhe 5.88 perqind. Ne ndryshim nga muaji i kaluar (shtator 05), te gjithe normat e interesit te bonove te thesarti pesuan renie, si rezultat i permiresimit te gjendjes se likuiditeteve ne treg, gje qe u reflektua ne uljen e interesave te transaksioneve ne tregun nderbankar dhe ne uljen e yield-it te bonove te thesarit per te gjitha afatet.

Interesat mesatare të ponderuara për kredite e dhena në leke gjate muajit tetor, kane pesuar rritje per afatet nen nje vit dhe jane ulur per kredite mbi nje vit. Ato jane ndikuar nga luhajtja e normave te interesit , ku banka te ndryshme shfaqin prirje te ndryshme mbi kahun e levizjes se interesave, ne varesi te natyres se kredive te levruara ne muajin perkates.

b. Sektori Fiskal

Buxheti i Konsoliduar

Ne fund te muajit Dhjetor, jane mbledhur rreth 200,981 milione leke te ardhura, perkundrejt shpenzimeve te pergjithshme prej 228,825 milione leke, qe perfshijne 193,977 milione leke ne shpenzime korente dhe 34,848 milione leke shpenzime kapitale.

Si rrjedhim, deficitit ishte ne nivelin e 27.8 miliarde leke.

Mbledhja e te ardhurave deri ne fund te muajit Dhjetor, perben rreth 97.32% te totalit te te ardhurave buxhetore te parashikuara per vitin 2005, ndersa shpenzimet perbejne 92.02% te buxhetit te planifikuar. Shpenzimet korente jane rreth 100.58% e planifikimit vjetor, ndersa shpenzimet kapitale jane rreth 68.99 % e ketij planifikimi.

Nga te ardhurat gjithsej, te ardhurat e mbledhura nga Drejtoria e Pergjithshme e Tatimeve dhe Doganave (pa biznesin e vogel) eshte rreth 135,605 milione leke (ose rreth 100.28 % e te ardhurave vjetore te planifikuara), te ardhurat e mbledhura nga pushteti vendor 12,019 milione leke (116.07 % e te ardhurave vjetore te planifikuara), kontributet e sigurimeve shoqerore dhe shendetesore 36,190 milione leke (98.70 % e te ardhurave vjetore te planifikuara), dhe te ardhurat jo-tatimore ne nivelin e 14,184 milione leke (81.72 % e te ardhurave vjetore te planifikuara).

Nga totali i shpenzimeve korente prej 193,977 milione leke, 53,674 milione leke (28 %) eshte shpenzuar per personelin, 26,029 milione leke (13 %) per interesat, 24,499 milione leke (13 %) per shpenzime operative dhe mirembajtje, 3,653 milione leke (2 %) per subvencione, 55,874 milione leke (29 %) per shpenzimet e sigurimeve shoqerore dhe shendetesore dhe 30,298 milione leke (16 %) per shpenzimet e qeverisjes vendore dhe shpenzimet e tjera.

Keto perfagesojne 97.18 % (shpenzime personeli), 87.15 % (shpenzime per interesat), 111.60 % (shpenzime operative dhe te mirembajtjes), 133.55 % (subvencione), 101.27 % (sigurimet sociale), 113.45 % dhe 99.69 % (per shpenzimet e qeverisjes vendore dhe shpenzimet e tjera) perkundrejt buxhetit te planifikuar vjetor.

Shpenzimet kapitale arriten ne rreth 34,848 milione leke, nga te cilat 69.7 % financim i brendshem, dhe 30.3 % financim i huaj.

Shpenzimet kapitale me financim te brendshem, llogariten per kete periodhe ne rreth 86.90 % te buxhetit te parashikuar vjetor, ndersa financimi i huaj eshte vetem 46.79 %.

Deficiti prej 27,843 milione leke eshte i barabarte me 66.05 % te deficitit buxhetor per 2005.

Të ardhurat sipas Burimeve / Klasifikimit Ekonomik

Te ardhurat gjithsej arriten në fund të muajit Dhjetor 2005 ne rreth 200,981 milione lekë, nga të cilat të ardhurat tatimore ne rreth 183,814 milione, grantet 2,983 milione dhe të ardhurat jo-tatimore ne rreth 14,184 milione;

Nga totali i të ardhurave tatimore, rreth 135,605 milione lekë janë mbledhur nga administrata e doganave dhe e tatimeve, 12,019 milione lekë të ardhura nga pushteti lokal dhe 36,190 milione leke nga kontributet e sigurimeve shoqerore dhe shendetesore;

Nga të ardhurat totale të mbledhura deri në fund të dhjetorit rezulton se:

□ TVSH	64,534 milionë lekë
□ Tatimi mbi fitimin	19,237 milionë lekë
□ Taksa doganore	13,629 milionë lekë
□ Taksat nacionale	9,293 milionë lekë
□ Akcizat	18,523 milionë lekë
□ Transferim fitimi nga Banka e Shqipërisë	4,953 milione lekë;

Financimi i deficitit

Deficiti prej 27.8 miliardë lekë, ne fund te muajit Dhjetor, u financua ne masen 84 përqind me financim të brendshëm dhe 16 përqind me financim të huaj. Emetimi i bonove të thesarit ishin mjeti kryesor i financimit të brendshëm, ndersa per financimin e huaj ishin huatë afatgjata.


c. Sektori i Jashtëm

Bilanci i Pagesave


Tiparet kryesore të bilancit të pagesave për periudhen Janar - Shtator 2005 ishin:

Nje sufiçit i pergjithshem ne bilancin e pergjithshem, prej 56.2 milion dollare, rezultat ky i nje:

- ❑ defičiti te Llogarise Korente, prej 281.2 milion dollare ;
- ❑ suficit te Llogarise Kapitale, prej 95.4 milion dollare ;
- ❑ suficit te Llogarise Financiare, prej 212.5 milion dollare ;
- ❑ bilanci pozitiv ne Gabime dhe Harresa neto“ prej 29.5 milion dollare .



Komponentet kyç te defičitit te Llogarise Korente prej 281.2 milion dollare ishin nje:



- ❑ bilanc tregtar negativ prej 1,286.9 milion dollare ;
- ❑ deficit prej 123.1 milion dollare ne bilancin e sherbimeve ;
- ❑ suficit prej 133.5 milion dollare ne bilancin e te ardhurave ;
- ❑ suficit prej 995.3 milion dollare ne levizjet e transfertave dhe dergesave.

Zërat kryesorë në flukset pozitive në llogarinë kapitale dhe llogarine financiare përfshijnë:


- ❑ flukset pozitive të investimeve direkte prej 190.4 milionë dollare,
- ❑ flukset negative të investime portofoli prej 12.8 milionë dollare
- ❑ flukset pozitive të kapitaleve të tjera prej 22.9 milionë dollare.

d. Sektori Monetar

Mjetet Valutare Neto te sistemit bankar

Gjate muajit Tetor 2005, sistemi bankar ka shënuar rritje të mjeteve valutare neto, në rreth 162.9 miliona dollare krahasuar me të njëjten periudhë të një viti më parë, duke rezultuar me ritme rritjeje me të ulta në krahasim me periudhat e kaluara.

Ecuria e M.V.N te sistemit



Kjo rritje ka ardhur si pasojë e rritjes së mjeteve valutare neto të Bankës së Shqipërisë me 27.9 miliona dollare, ndërkohë që mjetet valutare neto të bankave të nivelit të dytë janë ulur me rreth 14.2 miliona dollare.

Në muajin tetor sistemi bankar rezultoi me një rritje të konsiderueshme prej 13.7 milionë dollare në mjetet valutare neto, krahasuar me një muaj më parë (shtator '05). Kontributin kryesor në këtë rritje e ka dhënë rritja e rezervës valutare neto në Bankën e Shqipërisë. Rritje e cila erdhi si rezultat i ndërhyrjes së Bankës së Shqipërisë në tregun valutë për këtë periudhë.

Banka e Shqiperisë, krahasuar me një muaj më parë, ka rritur rezervën valutores neto me 27.9 miliona usd, duke arritur në 1,265.8 milion usd.

Gjate muajit tetor është vënë re se akordimi i kredive në valute ka qenë në nivele më të larta se hyrja e depozitave në valute në sistemin bankar.

Kredia për ekonominë

Tëprica e kredive për ekonominë në fund të muajit Tetor 2005 arriti në 110 miliardë lekë. Rritja e tëpricës së kredive, krahasuar me një vit më parë shënoi vlerën 46.9 miliardë lekë, me një rritje prej rreth 74.5 për qind. Krahasuar me një muaj më parë, kjo shënoi një rritje të lehtë prej 4 miliardë lekë. Kredia në lekë, krahasuar me muajin shtator, u rrit me 1.8 miliardë lekë, duke arritur në rreth 34 miliardë lekë, e cila është një ndër performancat më të mira mujore për këtë periudhë. Orientimi i bankave drejt përmbushjes së kërkesave të individëve, ka ndikuar dhe në angazhimin e tyre drejt kreditimit në lekë. Gjatë muajit tetor, ashtu sikurse edhe në muajin e kaluar, rritja e kredisë në lekë mendohet të ketë marrë shtytje nga ecuria pozitive e kredisë për individët, e cila gjatë këtij muaji u rrit me 78 për qind, krahasuar me të njëjten periudhë të një viti më parë.

Nga struktura e tëpricës së kredive sipas afatëve vëhet re një rritje e peshës së kredive afatgjata, të cilat arriten në 36.9 për qind. Tëprica e kredive sipas monedhave vazhdon të mbizotërohet nga kredia në valute, duke përbërë rreth 75.5 për qind të totalit të tëpricës së kredive.

Në ndryshim nga një muaj më parë, këtë muaj u vë re një rritje në peshën specifike të kredive me maturim afatshkurter dhe afatmesëm. Këto rritje ishin respektivisht me 0.2 për qind dhe 0.1 për qind. Peshat specifike të këtyre kredive ndaj totalit për muajin tetor arriten në 31.8 dhe 31.3 për qind.

Një rol të rëndësishëm në rritjen e vëllimit të kredive afatgjate mendohet të ketë luajtur edhe forcimi i marrëdhënieve midis bankave dhe klientëve të tyre, bizneseve dhe individëve. Këtyre të fundit po i kushtohet me shumë vëmendje nga bankat, sikurse konstatohet edhe nga rritja e vazhdueshme e portofolit të kredive për individët.

Forcimi i marrëdhënieve bankë – klientë, po rrit besimin e bankave për të investuar më shumë në aktivitetin kreditues, duke rritur rolin e tyre si ndërmjetës financiarë.

Megjithatë sektori i tregtisë vazhdon të mbetet mbizotëruese me rreth 18.9 për qind të totalit të përgjithshëm të kredive, gjatë kësaj periudhe të 2005 ajo ka shfaqur tendencë rënës. Mbeshtetje më e madhe me kredi po i kushtohet sektoreve prodhues dhe


ndertimit. Nje zhvendosje e tille pasqyron tendencen e bankave per te ofruar produkte te reja, ne pershtatje me kerkesat e bizneseve dhe te individeve.

Oferta e Parasë

Oferta e parasë (e matur me M3), per muajin tetor ka shenur nje rritje prej 0.2 perqind perqind, karahasuar me nje muaj me pare. Kjo oferte kapi shifren rreth 566.1 miliardë lekë në fund të muajit tetor duke shenuar nje rritje te konsiderueshme prej 11.8 pike perqindjeje kundrejt nivelit te regjistruar ne muajin dhjetor 2004. Rritja vjetore e ketij treguesi ishte 16 perqind, duke pesuar ulje te ketij ritmi krahasuar me 18.3 perqind qe ishte gjate muajit qershor. Ngadalësimi i ritmit të ofertës monetare është reflektuar kryesisht në preferenca e indiviteve per te investuar ne bono thesari, gje qe ka cuar ne uljen e depozitave ne leke.

Niveli i parase jashte bankave eshte rritur me 1.7 miliarde leke ne krahasim me muajin dhjetor 2004, por duhet theksuar fakti qe eshte ulur me rreth 1.6 miliarde leke krahasuar me muajin shtator. Rritja vjetore e ketij treguesi ishte 10 perqind.


Raporte te parase jashte bankave



Raporti i parase jashte bankave ndaj ofertes monetare, ne fund te muajit tetor arriti ne 24.6 perqind duke shenuar nje renie te lehte prej 0.4 perqind ne krahasim me muajin shtator. Raporti i parase jashte bankave me depozitat ne muajin tetor arriren shifren prej 32.7 perqind duke pesuar nje renie mujore prej 0.5 perqind.

Depozitat ne leke si perberesi kryesor i ofertes monetare, kane pesuar nje rritje prej 2.2 miliarde leke ne krahasim me nje muaj me pare. Rritje pesuan dhe depozitat ne valute, te cilat ne fund te muajit tetor 2005 shenuan nje rritje prej 0.6 miliarde leke ne krahasim me

muajin shtator. Norma vjetore e rritjes se tyre ne fund te muajit tetor arriti ne 33 perqind nga 17 perqind qe ishte ne fund te muajit dhjetor.




Rritja e depozitave në valutë gjatë muajit Tetor është mbështetur kryesisht në rritjen e lartë të depozitave te sektorit privat, të cilat kanë përbërë rreth 74 për qind të rritjes së depozitave totale në valutë.

Depozitat sipas Burimeve

Gjate muajit Tetor 2005:

- Sektori i individeve, zuri nivelin me te larte te depozitave pa afat ne leke me rreth 65 perqind, ndjekur nga sektori privat, me rreth 22 perqind dhe nga ndermarrjet jofinanciare publike me 9 perqind.

**Kontribiti i sektoreve ne totalin e depozitave
Tetor 2005**



- Individet dhe sektori privat ishin gjithashtu burimi me i rëndësishëm i depozitave pa afat në monedhe të huaj, perkatesisht me rreth 46 perqind dhe rreth 41 perqind.
- Familjarët ishin dukshëm burimi me i rëndësishëm i depozitave me afat në lekë (96 përqind e totalit) dhe depozitave me afat në monedhe të huaj (me 87 përqind e totalit te depozitave);
- Në përgjithësi, familjarët përbëjnë pjesën më të madhe (rreth 82 përqind) të depozitave totale prej rreth 427 miliardë lekë ne muajin tetor 2005. Ata ndiqen nga sektori privat (13 përqind), ndërmarrjet publike jo-financiare (3.39 përqind) dhe

autoritetet lokale (0.77 përqind). Institucionet financiare kontribuan me rreth 0.62 përqind në totalin e depozitave.

➤ Gjatë muajit tetor 2005, krahasuar me një muaj më parë, niveli i përgjithshëm i depozitave u rrit me 2.4 miliardë lekë, si rezultat i rritjes së depozitave pa afat në lekë (3.6 miliard lekë), depozitave me afat në monedhë të huaj (0.3 miliard lekë) dhe rritjes së depozitave pa afat në valute me rreth 0.3 miliarde lekë dhe uljes së konsiderueshme të depozitave me afat në lekë (me rreth 1.7 miliardë lekë).

➤ Depozitat pa afat në lekë të familjareve, pesuan një rritje të konsiderueshme prej rreth 2.1 miliarde lekë, ndërsa depozitat me afat në lekë të familjareve pesuan një rënie të theksuar, prej rreth 1 miliarde lekë.